



Til bæjarráðs Kópavogsbæjar/ umsögn

Kópavogi, 5. október 2020
1610408/021.00 AKG

Efni: Tillaga um breytingu á samþykkt um stjórn Kópavogsbæjar og fundarsköp bæjarstjórnar

Lagt er til að 1. gr. samþykktarinnar breytist þannig:
Í stað tölunnar „11“ kemur: 13.

Lagt er til að 8. gr. samþykktarinnar breytist þannig:
2. málslíður 1. mgr. verður svohljóðandi:
Bæjarstjórnarfundir skulu að jafnaði hefjast kl. 16.00 í bæjarstjórnarsal að Hábraut 2.

2. málslíður 4. mgr. 10. gr. fellur brott.

Lagt er til að 4. mgr. II. liðar 16. gr. samþykktarinnar breytist þannig:
Þegar lagðar eru fram fundargerðir nefnda nægir að skrá í fundargerð bæjarstjórnar um hvaða nefndir er að ræða, dagsetningu fundargerða og númer funda.

Lagt er til að 27. gr. samþykktarinnar breytist þannig:
1. málslíður 1. mgr. verður svohljóðandi:
Bæjarstjórn skal á fyrsta fundi að afloknum sveitarstjórnarkosningum kjósa fimm aðalmenn í bæjarráð til eins árs.

Lagt er til að 31. gr. samþykktarinnar breytist þannig:
2. málslíður 2. mgr. verður svohljóðandi:
Aðal- og varamenn af sama framboðslista og áheyrnarfulltrúinn skulu vera varaáheyrnarfulltrúar hans í þeirri röð sem þeir skipuðu listann þegar kosið var til sveitarstjórnar.

Lagt er til að 47. gr. samþykktarinnar breytist þannig:
Upphafsaðkvæði greinarinnar verður svohljóðandi:
Kosning í fastanefndir, aðrar nefndir, stjórnir og ráð sem sveitarfélagið á aðild að.

Töluliðir A-liðar verða svohljóðandi:
Forseta og tvo varaforseta bæjarstjórnar skv. 13. gr. sveitarstjórnarlaga nr. 138/2011 sem skipa forsætisnefnd sveitarfélagsins.
Forsætisnefnd. Bæjarstjórn kys þrjá varamenn.
Tvo skrifara og tvo til vara úr hópi bæjarfulltrúa skv. 14. gr. samþykktar þessarar.
Bæjarráð. Fimm bæjarfulltrúa sem aðalmenn skv. 35. gr. sveitarstjórnarlaga nr. 138/2011 og 27. gr. samþykktar þessarar. Þeir aðal- og varafulltrúar, sem kosningu hafa hlotið af sama framboðslista og hinn kjörni bæjarráðsmaður, verði varamenn hans í þeirri röð sem þeir skipuðu listann.
Menntaráð. Sjö aðalmenn og jafnmarga til vara skv. 6. gr. laga um grunnskóla nr. 91/2008.
Skipulagsráð. Sjö aðalmenn og jafnmarga til vara skv. 6. gr. skipulagslaga nr. 123/2010.



Velferðarráð. Sjö aðalmenn og jafnmarga til vara skv. 5. gr. laga um félagsþjónustu sveitarfélaga nr. 40/1991.

3. málslíður 14. tölulíðar B-liðar breytist þannig:
Í stað Tónlistarsafns Kópavogs kemur Héraðsskjalasafns Kópavogs.

Á eftir 15. tölulíð B-liðar bætist við svohljóðandi tölulíður:
Notendaráð í málefnum fatlaðra. Þrír aðalmenn og jafnmarga til vara skv. 2. mgr. 42. gr. laga um félagsþjónustu sveitarfélaga nr. 40/1991.

Á eftir 27. tölulíð B-liðar bætast við svohljóðandi tölulíðir:
Öldungaráð. Þrír aðalmenn og jafnmarga til vara skv. 2. mgr. 38. gr. laga um félagsþjónustu sveitarfélaga nr. 40/1991.
Tengiliðir Ungmennaráðs. Tveir fulltrúar skv. 2. mgr. 11. gr. æskulýðslaga nr. 70/2007.

- 4. tölulíður B-liðar fellur brott.
- 5. tölulíður B-liðar fellur brott.
- 6. tölulíður B-liðar fellur brott.
- 10. tölulíður B-liðar fellur brott.
- 17. tölulíður B-liðar fellur brott.
- 18. tölulíður B-liðar fellur brott.
- 19. tölulíður B-liðar fellur brott.

Tölulíðir B-liðar færast upp sem ofangreindu nemur.

C-liður verður svohljóðandi:
Í aðrar nefndir.

Lagt er til að 52. gr. samþykktarinnar breytist þannig:
4. mgr. A-liðar verður svohljóðandi:
Velferðarráð skal upplýst reglulega um mál sem starfsmenn afgreiða í umboði ráðsins sé eftir því óskað.

Á eftir 4. tölulíð 1. mgr. B-liðar bætast við svohljóðandi tölulíðir:
Grenndarkynntar skipulagstillögur sem engar athugasemdir berast við skv. 2. mgr. 43. gr. skipulagslaga nr. 123/2010, nema skipulagsráðs ákveði annað.
Grenndarkynnt byggingar- og framkvæmdaleyfisumsóknir sem engar athugasemdir berast við skv. 1. mgr. 44. gr. skipulagslaga nr. 123/2010, nema skipulagsráð ákveði annað.
Veitingu framkvæmdarleyfa vegna meiri háttar framkvæmda sem ekki eru háðar mati á umhverfisáhrifum.

4. mgr. C-liðar verður svohljóðandi:
Menntaráð skal upplýst reglulega um mál sem starfsmenn afgreiða í umboði ráðsins sé eftir því óskað.

Á eftir C-lið bætist við svohljóðandi liður:
D. Sviðsstjóri stjórnsýslusviðs, eða starfsmenn stjórnsýslusviðs í hans umboði, afgreiða án staðfestingar bæjarráðs, eftirfarandi:
1. Umsagnir um umsóknir um rekstrarleyfi skv. lögum um veitingastaði, gististaði og skemmtanahald nr. 85/2007 ef um endurnýjun leyfa er að ræða.



2. Umsóknir um styrki til félaga og félagasamtaka greiðslu fasteignaskatts skv. reglum bæjarstjórnar þar um, sbr. 2. mgr. 5. gr. laga um tekjustofna sveitarfélaga. Beiðni um endurupptöku á ákvörðunum í ofangreindum málum skal beint til bæjarráðs. Sviðsstjóri eða starfsmenn í hans umboði geta ávallt óskað eftir því að bæjarráð taki ákvörðun í máli. Bæjarráð skal upplýst reglulega um mál sem starfsmenn afgreiða í umboði ráðsins sé eftir því óskað.

Greinargerð

Skv. 11. gr. sveitarstjórnarlaga nr. 138/2011 skal fjöldi fulltrúa í sveitarstjórn vera á bilinu 11-15 ef íbúar eru 10.000-49.999. Íbúar í Kópavogi eru um 40.000 þegar þetta er ritað. Þegar fjöldi íbúa nær 50.000 skulu fulltrúar í sveitarstjórn vera að lágmarki 15, en að hámarki 23. Lagt er til að skref í fjölgun kjörinna fulltrúa verði tekið til hálf í ljósi íbúafjölda sveitarfélagsins og bæjarfulltrúum í bæjarstjórn Kópavogs verði fjölgað úr 11 í 13. Breytingin tæki gildi frá og með næsta kjörtímabili. Fjölgun fulltrúa í sveitarstjórn hefur ekki í för með sér fjölgun nefndarmanna í fastanefndum bæjarins, en leiðir þó til þess að einhverjar nefndir fá auka varaáheyrnarfulltrúa. Nettó launakostnaður vegna fjölgunar í sveitarstjórn um tvo bæjarfulltrúa nemur kr. 9.428.324 á ári. Þá er ótalinn ófyrirséður kostnaður s.s. vegna mögulegrar fjölgunar áheyrnarfulltrúa og annars kostnaðar.

Staðsetning bæjarstjórnarsalarins er uppfærð í 8. gr. og er nú að Hábraut 2 í stað Fannborgar 2.

Ákvæði 2. ml. 4. mgr. 10. gr. er ekki fylgt í framkvæmd og er því lagt til að ákvæðið falli brott, enda eru fundargerðir aðgengilegar bæjarfulltrúum í fundarmannagátt og á vef bæjarins.

Áheyrnarfulltrúi og varaáheyrnarfulltrúi í bæjarráði skulu fullnægja kjörgengisskilyrðum skv. 2. mgr. 36. gr. sveitarstjórnarlaga nr. 138/2011. Samkvæmt ákvæðinu verða aðal- og varamenn af sama framboðslista og hinn kjörni fulltrúi varamenn hans í þeirri röð sem þeir skipuðu listann þegar kosið var til sveitarstjórnar. Er ákvæðinu breytt til samræmi við lögin og gert skýrara.

Lagt er til að kosið verði í menntaráð, skipulagsráð og velferðarráð einu sinni á ári til samræmis við gildandi erindisbréf ráðanna þriggja í stað við upphaf hvers kjörtímabils á fjögurra ára fresti. Þá er óþarfa texti fjarlægður úr ákvæðum ráðanna þriggja sem annað hvort á ekki við lengur eða kemur fram í erindisbréfi þeirra. Þremur nýjum ráðum, sem stofnað hefur verið til á undanförunum árum, Notendaráð í málefnum fatlaðra, Ungmennaráð og Öldungaráð, er bætt inn í samþykktina. Þá eru úrehtar nefndir og ráð sem ekki eru virk lengur fjarlægð úr samþykktinni. Ákvæði sem varða forsætisnefndina eru gerð skýrari.

Þá er lagt til að gerðar verði breytingar á samþykktinni að því er varðar framsal til fullnaðarafgreiðslu mála tiltekinna starfsmanna skv. 42. gr. sveitarstjórnarlaga nr. 138/2011 með það að leiðarljósi að auka skilvirkni og stuðla að hagræðingu og hraðari málsmeðferð í stjórnsýslunni. Eru lagðar til nokkrar breytingar á 52. gr. samþykktarinnar í þeim efnum. Að því er varðar framsal skipulagsráðs til skipulagsstjóra og starfsmanna umhverfissviðs í hans umboði til fullnaðarafgreiðslu mála vísast til meðfylgjandi greinargerða dags. 5. október 2020. Samhljóða ákvæði um framsal ákvörðunarvalds til skipulagsstjóra og starfsmanna umhverfissviðs verður að finna í 12. gr. erindisbréfs skipulagsráðs Kópavogs og er lagt til að sú grein breytist til samræmis við breytingu ákvæðisins í samþykktinni.



Virðingarfyllst,

Anna Kristín Guðmundsdóttir
Lögfræðingur